



Arkivnr: 2014/12509-12

Saksbehandlar: Inger Marken

Saksframlegg

Saksgang

Utval	Saknr.	Møtedato
Administrasjonsutvalet		18.05.2016
Fylkesutvalet		19.05.2016

Revidert reglement for "Reiser i Hordaland fylkeskommune"

Samandrag

Fylkesrådmannen foreslår her ei endring i reglementet «Reiser i Hordaland fylkeskommune». Endringa som er foreslått er gjort i samband med at det tidlegare er gitt refusjon for leige av parkeringsplass i HFK for dei som bruker privat bil i tenesta. Fylkesrådmannen foreslår å fjerne denne refusjonen på bakgrunn av at det no er kjøpt inn el-bilar som tilsette kan nytte i tenesta. Ein ønskjer ikkje økonomiske insentiv som skal fremje bruk av privat bil i staden for å bruke HFK sine el-bilar.

Forslag til vedtak

Fylkesutvalet vedtar revidert reglement, Reiser i Hordaland fylkeskommune.

Rune Haugsdal
fylkesrådmann

Ingrid K. H. Svendsen
fylkesdirektør økonomi og organisasjon

Saksframlegget er godkjent elektronisk og har derfor inga underskrift.

Fylkesrådmannen, 25.04.2016

Forslaget i revidert reglement inneber at refusjonen for leige av parkeringsplass i HFK er fjerna.

Tidlegare fekk ein refundert kr 100,- pr dag for dei som hadde ei utgift på kr 1000,- pr måned (fylkesadministrasjonen) og kr 75,- pr dag for dei som hadde utgift på kr 750,- pr måned (vidaregåande skular i sentrum).

Forslaget om å ikkje vidareføre denne ordninga er gjort på bakgrunn av at ein ikkje ønskjer å fremje bruk av privat bil i staden for å bruke HFK sine el-bilar.

Der det er eit krav at den enkelte arbeidstakar stiller bil til disposisjon for å få utført Fylkeskommunen sine tenester blir det, i tillegg til kompensasjon etter satsane i staten sitt reiseregulativ, gitt kompensasjon i samsvar med kommunen sitt reiseregulativ SGS 1001 § 4 med inntil kr 12 200,- pr år, jf. kap. 7 i reglementet.